



UPRAVA POLICIJE

Broj: 05-04/06-11-⁵³³/23/RS
Datum: 29.05.2023. godine

Na osnovu člana 14., člana 17. stav (1), člana 18. stav (1), člana 26. Zakona o javnim nabavkama BiH („Službeni glasnik BiH“, broj: 39/14 i 59/22), člana 7. stav (1) Pravilnika o postupku dodjele ugovora u oblasti odbrane i sigurnosti („Službeni glasnik BiH“, broj: 60/15), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj: 13/16 i 16/17), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), načelnik Sektora kriminalističke policije Uprave policije MUP USK-a **d o n o s i**:

ODLUKU

o pokretanju postupka javne nabavke roba – oružja

Član 1.

Odobrava se pokretanje postupka javne nabavke roba – vatrenog oružja (pušaka) za potrebe Uprave policije MUP USK-a.

Član 2.

Predmetna nabavka će se finansirati iz sredstava budžeta Uprave policije MUP USK-a za 2023. godinu. Postupak javne nabavke će biti proveden primjenom ograničenog postupka u skladu sa članom 26. Zakona o javnim nabavkama BiH („Sl. glasnik BiH“, broj 39/14 i 59/22), podzakonskim i internim aktima. Zakonski osnov za provođenje postupka javne nabavke predstavlja član 26. Zakona o javnim nabavkama. Oznaka i naziv iz JRJN:
35320000-3 Vatreno oružje

Član 3.

Procijenjena vrijednost javne nabavke bez PDV-a iznosi 595.000,00 KM (slovima: petstodevedesetpethiljada i 00/100 KM).

Član 4.

Za realizaciju ove odluke zadužuje se Sektor za materijalno-finansijske poslove i informacijsko-komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 5.

Otvaranje i ocjenu ponuda provest će Komisija za javne nabavke Uprave policije Ministarstva unutrašnjih poslova USK-a, imenovana Rješenjem broj: 05-04/04-2-11-1422/22 od 08.11.2022. godine. Sastav i djelokrug rada Komisije utvrđen je Rješenjem.

Član 6.

Ova odluka stupa na snagu danom donošenja.

O b r a z l o ž e n j e

Na osnovu iskazanih potreba i zahtjeva neophodno je nabaviti veću količinu poluautomatskih pušaka, automatskih pušaka, dva mitraljeza i jedan snajper za opremanje Jedinice policije za specijalističku podršku Uprave policije MUP USK-a.

Predmetna nabavka je uvrštena u Plan javnih nabavki Uprave policije MUP USK-a za 2023. godinu broj: 05-04/06-11-414/23/RS od 03.05.2023. godine, a finansirat će se iz sredstava budžeta Uprave policije MUP USK-a za 2023. godinu.

S obzirom da je u Planu javnih nabavki za 2023. godinu predviđena manja procijenjena vrijednost predmetne nabavke (280.000,00 KM), neophodno je izvršiti izmjenu Plana nabavki, odnosno povećati procijenjenu vrijednost na iznos iz člana 3. ove odluke, te izmjenu Plana objaviti na Portalu javnih nabavki i web stranici Ugovornog organa.

Nabavka će biti provedena primjenom ograničenog postupka u skladu sa članom 26. Zakona o javnim nabavkama BiH („Sl. glasnik BiH“, broj 39/14 i 59/22), te članom 7. Pravilnika o postupku dodjele ugovora u oblasti odbrane i sigurnosti („Službeni glasnik BiH“, broj: 60/15).

Po procjeni Sektora za materijalno-finansijske poslove i informacijsko-komunikacijske tehnologije utvrđeno je da je ova odluka osnovana, odnosno da su stečeni svi potrebni uslovi za odlučivanje.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

1. Komisija za javne nabavke Uprave policije MUP USK-a
2. Sektor za materijalno-finansijske poslove i IKT - za objavu
3. a/a



NAČELNIK SEKTORA
KRIMINALISTIČKE POLICIJE
samostalni inspektor

Jusuf Mešić